

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj 7/10), a u skladu sa Zaključkom Vlade Zeničko-dobojskog kantona, broj: 02-33-5028/21 od 12.04.2021. godine, na prijedlog Kantonalne uprave za inspeksijske poslove, Vlada Zeničko-dobojskog kantona, na 105. sjednici, održanoj dana 30.04.2021. godine, d o n o s i

ZAKLJUČAK

I.

Prihvata se Izvještaj Kantonalne uprave za inspeksijske poslove o izvršenim inspeksijskim nadzorima primjene Naredbi Vlade Zeničko-dobojskog kantona, broj: 02-33-4251/21 od 30.03.2021.godine, donesenih po prijedlogu Kriznog štaba Ministarstva zdravstva Zeničko-dobojskog kantona i čini sastavni dio ovog zaključka.

II.

Zaključak stupa na snagu danom donošenja.

**PREMIJER
po ovlaštenju**

Spahija Kozlić

Broj: 02-_____ /21
Datum, 30.04.2021. godine
Zenica

DOSTAVLJENO:

1x Kantonalna uprava za inspeksijske poslove,
1x a/a.



ZENIČKO-DOBOJSKI KANTON
VLADA KANTONA

Zenica, 16.04.2021. godine

Vaš znak:

Naš znak: 18/01-33-5028-1/21

PREDMET: Izvještaj o izvršenim inspekcijskim nadzorima primjene Naredbi Vlade Zeničko-dobojskog kantona, broj: 02-33-4251/21 od 30.03.2021. godine, donesenih po prijedlogu Kriznog štaba Ministarstva zdravstva Zeničko-dobojskog kantona, dostavlja se
VEZA: Zaključak Vlade Zeničko-dobojskog kantona, broj: 02-33-5028/21 od 12.04.2021. godine

Postupajući po Zaključku Vlade Zeničko-dobojskog kantona, broj i datum veze, dostavljamo Izvještaj Kantonalne uprave za inspekcijske poslove o izvršenim inspekcijskim nadzorima i poduzetim mjerama primjene Naredbi Vlade Zeničko-dobojskog kantona, broj: 02-33-4251/21 od 30.03.2021. godine, donesenih po prijedlogu Kriznog štaba Ministarstva zdravstva Zeničko-dobojskog kantona.

S ciljem postupanja po naprijed navedenim Naredbama, a u skladu sa Poglavljem XII. (*Naredba za nadležne inspekcijske organe*), Kantonalna uprava za inspekcijske poslove poduzela je sljedeće aktivnosti:

1. AKTIVNOSTI POJAČANOG INSPEKCIJSKOG NADZORA

Kantonalna uprava za inspekcijske poslove kontinuirano provodi aktivnosti pojačanog inspekcijskog nadzora, s ciljem kontrole poštivanja mjera utvrđenih Naredbama Kriznog štaba Federalnog ministarstva zdravstva, koje je usvojila Vlada Federacije BiH i Kriznog štaba Ministarstva zdravstva Zeničko-dobojskog kantona, koje je usvojila Vlada Zeničko-dobojskog kantona, kao i Preporuka Zavoda za javno zdravstvo Federacije BiH i Instituta za zdravlje i sigurnost hrane Zenica, a radi sprječavanja širenja oboljenja COVID-19 na području Kantona. Navedene aktivnosti provode se u redovnom radnom vremenu, kao i preraspodjelom radnog vremena u poslijepodnevnim i večernjim satima, te u dane vikenda, u skladu sa raspoloživim ljudskim i materijalnim resursima. Napominjemo, da je kod jednog broja zaposlenika ove Uprave potvrđena zaraza korona virusom, a pojedinim zaposlenicima određena zabrana kretanja kao kontaktima COVID-19 pozitivnih osoba, zbog čega su isti odsustvovali sa posla (bolovanje).

U periodu od 31.03. do 12.04.2021. godine, Kantonalna uprava za inspekcijske poslove izvršila je ukupno **205** inspekcijskih nadzora, prilikom kojih je izvršena kontrola poštivanja Naredbi Kriznog štaba Federalnog ministarstva zdravstva i Kriznog štaba Ministarstva zdravstva Zeničko-dobojskog kantona, te Preporuka Zavoda za javno zdravstvo Federacije BiH i Instituta za zdravlje i sigurnost hrane Zenica. Zbog utvrđenih nepravilnosti prilikom inspekcijskih nadzora, doneseno je **7** rješenja o otklanjanju nedostataka i bit će izdata **4** prekršajna naloga, sa ukupnim iznosom novčanih kazni od 7.500,00 KM.



Poduzete aktivnosti po pojedinim inspekcijama, detaljnije su prikazane u nastavku:

– **Kantonalna sanitarna inspekcija**

Inspeksijski nadzor i poslove iz nadležnosti sanitarne inspekcije u navedenom periodu, provodili su glavna kantonalna sanitarna inspektorica i kantonalni zdravstveni inspektor, kao kantonalni sanitarni inspektor, po ovlaštenju direktorice, te dva kantonalna sanitarna inspektora koja su počela sa radom dana 15.02.2021. godine i trenutno prolaze period probnog rada. Kantonalna farmaceutska inspektorica, koja je također bila ovlaštena za obavljanje poslova kantonalnog sanitarnog inspektora, od dana 02.04.2021. godine je odsutna sa posla zbog bolovanja.

Kantonalna sanitarna inspekcija je, u period 31.03. do 12.04. izvršila ukupno **19** inspeksijskih nadzora, te je zbog utvrđenih nepravilnosti doneseno **7** rješenja o otklanjanju nedostataka i bit će izdata **4** prekršajna naloga, sa ukupnim iznosom novčanih kazni od 7.500,00 KM. Inspeksijski nadzori izvršeni su kako slijedi:

- 4 inspeksijska nadzora u ustanovama za predškolski odgoj i obrazovanje (vrtići); manja nepravilnost nepoštivanja procedura za rad odgojno obrazovnih ustanova Instituta za zdravlje i sigurnost hrane Zenica utvrđena je kod jednog subjekta nadzora, zbog čega je doneseno rješenje o otklanjanju nedostataka,
- 6 inspeksijskih nadzora u objektima fitness-centri, vezano za zabranu sportsko–rekreativnih aktivnosti u zatvorenom prostoru; nepravilnosti nisu utvrđene,
- 2 inspeksijska nadzora u objektima supermarketi; manja nepravilnost nepoštivanja preporuka Zavoda za javno zdravstvo F BiH utvrđena kod jednog subjekta nadzora, zbog čega je doneseno rješenje o otklanjanju nedostataka,
- 1 inspeksijski nadzor u ugostiteljskom objektu (restoran); utvrđen prekršaj po Zakonu o zaštiti stanovništva od zaraznih bolesti, doneseno rješenje o otklanjanju nedostataka i bit će izdat prekršajni nalog u iznosu od 2.000,00 KM,
- 3 inspeksijska nadzora u objektima frizersko-kozmetički saloni; manje nepravilnosti nepoštivanja preporuka Zavoda za javno zdravstvo Federacije BiH utvrđene su kod dva subjekta nadzora, zbog čega su donesena 2 dva rješenja o otklanjanju nedostataka, a zbog utvrđenog prekršaja po Zakonu o zaštiti stanovništva od zaraznih bolesti kod jednog subjekta nadzora, doneseno rješenje o otklanjanju nedostataka i bit će izdat prekršajni nalog u iznosu od 2.000,00 KM,
- 1 inspeksijska kontrola izvršenja rješenja, u ustanovi za smještaj starih i iznemoglih osoba; utvrđeno da je subjekt nadzora postupio po rješenju inspektora,
- po anonimnoj prijavi, dostavljenoj ovoj Upravi od strane Federalnog ministarstva zdravstva, vezano za održavanje manifestacije pod nazivom 19. Međunarodni turnir ritmičke gimnastike „Suada Dilberović“, kantonalni sanitarni inspektori su, dana 10.04.2021. godine (subota) izvršili inspeksijski nadzor u sportskoj dvorani Franjevačke gimnazije Visoko i tom prilikom je utvrđeno da se održava turnir, u organizaciji Udruženja Klub ritmičke gimnastike “Bosna Gym” Sarajevo. Inspeksijskom kontrolom utvrđeno je kršenje odredbi Naredbi Kriznog štaba Federalnog ministarstva zdravstva, koja je usvojena Zaključkom Vlade Federacije BiH i primjenjuje se od 08.04.2021. godine, u pogledu broja prisutnih osoba u zatvorenom dijelu, kao i ispred dvorane, te je inspektor u cilju zaštite zdravlja ljudi, naredio organizatoru da odmah obustavi održavanje takmičenja, što je i učinjeno. Za nepravilnosti utvrđene ovim inspeksijskim nadzorom bit će izdata 2 prekršajna naloga u iznosu od 3.500,00 KM.
- po anonimnoj prijavi, izvršena je 1 inspeksijska kontrola u javnom preduzeću; utvrđena manja nepravilnost nepoštivanja preporuka Zavoda za javno zdravstvo F BiH, zbog čega je doneseno rješenje o otklanjanju nepravilnosti.

– **Kantonalna inspekcija rada**

Kantonalna inspekcija rada izvršila je ukupno **63** inspeksijska nadzora, od kojih inspekcija rada za oblasti radnih odnosa 45 i inspekcija rada za oblast zaštite na radu 18 inspeksijskih nadzora, prilikom kojih je izvršen i nadzor nad poštivanjem Naredbi Kriznog štaba Federalnog ministarstva zdravstva i Kriznog štaba Ministarstva zdravstva Zeničko-dobojskog kantona.

Prilikom inspeksijskih nadzora, nije utvrđeno nepoštivanje mjera i preporuka za sprječavanje širenja COVID–19. Inspeksijski nadzori vršeni su u oblasti proizvodnje, ugostiteljstva, trgovine i obrta.

– **Kantonalna tržišna inspekcija**

Kantonalna tržišna inspekcija je, u okviru redovnih inspeksijskih nadzora izvršila i **28** inspeksijskih nadzora nad poštivanjem Naredbi Kriznog štaba Federalnog ministarstva zdravstva i Kriznog štaba Ministarstva zdravstva Zeničko-dobojskog kantona.

Nije utvrđeno nepoštivanje preporuka Zavoda za javno zdravstvo Federacije BiH. Inspeksijski nadzori

su vršeni u oblasti trgovine i ugostiteljstva.

– **Kantonalna turističko-ugostiteljska inspekcija**

Kantonalna turističko-ugostiteljska inspekcija izvršila je **37** inspeksijskih nadzora poštivanja Naredbi Kriznog štaba Federalnog ministarstva zdravstva i Kriznog štaba Ministarstva zdravstva Zeničko-dobojskog kantona, u ugostiteljskim objektima na području Kantona.

Prilikom inspeksijskih nadzora, utvrđeno je da se subjekti nadzora pridržavaju odredbi navedenih Naredbi, u pogledu razmaka između stolova i korisnika usluga, uz određene epidemiološke mjere.

U jednom ugostiteljskom objektu, utvrđeno je kršenje Naredbi Kriznih štabova, što će biti proslijeđeno kantonalnoj sanitarnoj inspekciji na daljnje postupanje.

Ostale kantonalne inspekcije (poljoprivredna, vodna, šumarska, građevinska, inspekcija zaštite okoliša, veterinarska, elektro-energetska) prilikom svojih redovnih inspeksijskih nadzora, izvršile su **58** kontrola poštivanja Naredbi Kriznog štaba Federalnog ministarstva zdravstva i Naredbi Kriznog štaba Ministarstva zdravstva Zeničko-dobojskog kantona i tom prilikom nije utvrđeno nepoštivanje Naredbi.

2. INSPEKCIJSKI NADZOR U USTANOVAMA KOJE ZBRINJAVAJU I SMJEŠTAJU STARIJE OSOBE

Postupajući po Naredbama Kriznog štaba Ministarstva zdravstva Zeničko-dobojskog kantona, usvojenim Zaključcima Vlade Zeničko-dobojskog kantona, broj: 02-33-3607/21 od 17.03.2021. godine i broj: 02-33-4251/21 od 30.03.2021. godine, kojima je naloženo Kantonalnoj upravi za inspeksijske poslove da izvrši inspeksijski nadzor u ustanovama koje zbrinjavaju i smještaju starije osobe, vezano za posjedovanje Kriznog plana u slučaju pojave zarazne bolesti COVID 19, osiguranja prostorija za izolaciju oboljelih korisnika ustanove i internog plana za posjete u ustanovi, kantonalna sanitarna inspekcija je u periodu 17.03. do 30.03.2021. godine izvršila inspeksijske nadzore u **7** (sedam) ustanova za smještaj starih i iznemoglih osoba, na području Kantona, i to:

- JU Penzionerski dom sa stacionarom ZDK Zenica
- JU Dom za stara lica Zenica, Zenica
- Ustanova Centar za zbrinjavanje i njegu starih i iznemoglih lica „Ruhama“ Zenica
- Ustanova Centar za zbrinjavanje i njegu starih i iznemoglih lica „Ruhama“ Zenica, zasebna jedinica
- Ustanova „Ministro“ Dom za starije i nemoćne, Novo naselje, Žepče
- Ustanova za smještaj starih i iznemoglih lica „Sira dom“, Lepenica, Tešanj
- Ustanova za smještaj i njegu starijih osoba „Rajkovača & Šušak“, Ularice, Usora

Prilikom inspeksijskih nadzora, u jednoj ustanovi utvrđena je nepravilnost: subjekt nije imao Krizni plan u slučaju pojave zarazne bolesti COVID 19, nije posjedovao Interni plan posjeta, te je naloženo da se utvrđene nepravilnosti otklone, te da se osigura dodatna prostorija za izolaciju kontakata Covid-pozitivnih osoba. Prilikom kontrole izvršenja rješenja, dana 06.04.2021. godine u navedenoj ustanovi, utvrđeno je da je subjekt nadzora postupio po rješenju kantonalnog sanitarnog inspektora.

U ostalim ustanovama nisu utvrđene nepravilnosti.

Inspeksijskim nadzorima obuhvaćene su sve ustanove ovog tipa, koje prema saznanjima kantonalne sanitarne inspekcije, trenutno djeluju na području Kantona.

3. POSTUPANJE PO PRIJAVAMA ZARAZNE BOLESTI COVID-19

Po prijavama Službe za epidemiologiju i higijenu, JU Poliklinika sa dnevnom bolnicom Doboj Jug, kantonalna sanitarna inspekcija donijela je **56** rješenja o zabrani kretanja za oboljele osobe i osobe iz kontakata.

Sve prijave zarazne bolesti COVID-19, zaprimljene od strane Službe za epidemiologiju i higijenu, JU Poliklinika sa dnevnom bolnicom Doboj Jug, ažurno se unose u elektronsku bazu podataka Ministarstva unutrašnjih poslova Zeničko-dobojskog kantona.

Kantonalna sanitarna inspekcija je, u navedenom periodu zaprimila jednu obavijest Ministarstva unutrašnjih poslova Zeničko-dobojskog kantona o nepoštivanju rješenja o zabrani kretanja, zbog čega će biti poduzete mjere, u skladu sa Zakonom o zaštiti stanovništva od zaraznih bolesti.

Planirane aktivnosti Kantonalne uprave za inspekcijske poslove u narednom periodu

Postupajući po Zaključku Vlade Zeničko-dobojskog kantona, broj: 02-33-5029/21 od 12.04.2021. godine, kao i planiranim aktivnostima Kantonalna uprava za inspekcijske poslove, u skladu sa raspoloživim ljudskim i materijalnim resursima, i dalje provodi aktivnosti pojačanog inspekcijskog nadzora, s ciljem kontrole poštivanja Naredbi Kriznog štaba Federalnog ministarstva zdravstva, koje je usvojila Vlada Federacije BiH i Kriznog štaba Ministarstva zdravstva Zeničko-dobojskog kantona, koje je usvojila Vlada Zeničko-dobojskog kantona, kao i Preporuka Zavoda za javno zdravstvo Federacije BiH i Instituta za zdravlje i sigurnost hrane Zenica, a radi sprječavanja širenja oboljenja COVID-19 na području Kantona.

S poštovanjem,

Dostavljeno:
1 x Naslovu,
1 x spis

DIREKTORICA, po ovlaštenju

Draženka Filipović, dipl.ing. arh